



Broj: 04/2 - 07-4-1604-1 /22  
Banja Luka, 22.07, 2022. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primijeno: 25-07-2022			
Org. jed.	Broj	Priloga	Vrijednost
OS11	-02-	228	122

**PARLAMENT FEDERACIJE BiH**  
ZASTUPNIČKI DOM  
Ul. Hamdije Kreševljaković br.3

**PREDMET: Odgovor na zastupničko pitanje, dostavlja se;**  
Veza: Vaš akt broj: 05/1-02-228/22 od 30.06.2022. godine

Uprava za indirektno/neizravno oporezivanje (u daljem tekstu: Uprava) je u rasporedu službene pošte zaprimila Vaš akt, protokolisan pod brojem: 04-07-4-1604/22 od 08.07.2022. godine, u prilogu kojeg se dostavlja zastupničko pitanje Jasmine Zubić, zastupnice u Zastupničkom domu Parlamenta FBiH, vezano za definisanje posebnih oslobađanja i uslova za oslobađanje od plaćanja poreza na dodatu vrijednost za isporuke dobara u slobodne zone, kroz izmjene i dopune Pravilnika o primjeni Zakona o porezu na dodatu vrijednost.

Shodno zaprimljenom zahtjevu dostavljam odgovor Uprave kako slijedi:

U proteklom periodu Uprava je poduzela aktivnosti u cilju sačinjavanja nacrtu Pravilnika o izmjenama i dopunama Pravilnika o primjeni Zakona o porezu na dodanu vrijednost („Službeni glasnik BiH“, broj: 93/05, 21/06, 60/06, 6/07, 100/07, 35/08, 65/10, 85/17 i 44/20), a sve shodno ukazanim potrebama i dostavljenim inicijativama kako od poslovne zajednice, tako i od drugih vladinih i nevladinih tijela.

Izmjene navedenog Pravilnika o primjeni Zakona o porezu na dodatu vrijednost obuhvatale su drugačije definisanje pojma i statusa novosagrađenih građevina i djeljivih ekonsomskih cijelina unutar takvih objekata, prometa, definisanje oporezivanja stranih prijevoznika putnika za dionicu puta kroz BiH, zatim **preciznije definisanje uslova za oslobađanje od plaćanja poreza na dodatu vrijednost za isporuke dobara i pružanje usluga u slobodne zone**, te i izmjenu člana 78. važećeg Pravilnika, kako bi se stvorile pravne pretpostavke za uvođenje obaveze dostavljanja PDV prijave elektronskim putem uz upotrebu kvalifikovanog elektronskog potpisa, kao i izrada novog Uputstva za popunjavanje PDV prijave u cilju preciznijeg definisanja načina popunjavanja PDV prijave samooporezivanja i načina popunjavanja polja PDV prijave vezanih za krajnju potrošnju.

Nacrt Pravilnika o izmjenama i dopunama Pravilnika o primjeni Zakona o porezu na dodatu vrijednost, koji uključuje sve gore navedne izmjene, **uključujući i izmjene vezane za slobodne zone** je, od strane Upravnog odbora Uprave **usvojen dana 14.07.2022. godine, na održanoj 56. sjednici ovog tijela**. Dakle, usvajanjem navedenih izmjena Pravilnika su, između ostalog, precizno i jasno propisani uslovi za oslobađanje od PDV-a za izvršene isporuke dobara i pružene usluge za potrebe obavljanja proizvodnje u slobodnim zonama namjenjene izvozu iz BiH. Navedeno oslobađanje uključuje kako nabavke iz uvoza, tako i nabavke dobara i pružanje usluga za potrebe proizvodnje u slobodnoj zoni koje su izvršene od strane bh dobavljača-PDV obveznika.

Na kraju ukazujemo, da će Uprava, kao jedini organ u BiH koji je nadležan za provođenje zakonskih propisa o indirektnom oporezivanju i politike koju utvrdi Vijeće ministara BiH na prijedlog Upravnog odbora Uprave, pristupiti aktivnom provođenju svih radnji u skladu sa svojim nadležnostima i ovlaštenjima.

**Dostaviti:**

1. Naslovu,
2. 04/2,
3. 01 (na znanje),
4. a/a.



Pomoćnik direktora

Muharem Mašinović, dipl. oec.